

外科理例卷之五下

新安祁門朴里汪機

省之編輯

同邑石壑門生陳桷

惟宜較正

臂疽一百十五

一人年將六十五月患右臂膊腫盛上至肩下至手指色變皮膚涼六脉沉細而微此脉症俱寒乃附骨疽也開發已遲以燭針啟之膿清稀解次日肘不再開之加呃逆不絕與丁香柿蒂散兩服稍緩次日呃逆尤甚自利臍腹冷痛腹滿食減時發昏憤灸左乳下黑盡處二七壯又處托裡溫中湯一兩半與服或曰諸痛瘡瘍皆屬心火又時當盛暑而用薑附可乎予曰經云脉細皮寒瀉利前後飲食不入是為五虛况呃逆胃中虛寒此症內外相反須當舍時從症遂投之諸症悉去飲食倍進瘡勢溫膿色正復用五香湯數服月餘而愈

機按此症多屬虛寒此方專用辛熱以治之其寒不用參朮以補其虛蓋因呃逆腹滿乃氣鬱壅也想必其人年雖老脉症雖虛而形體頗實非陰

外科理例卷之五下

新安祁門朴里汪機

省之編輯

同邑石墅門生陳桷

惟宜較正

臂疽一百十五

一人年將六十五月患右臂膊腫盛上至肩下至手指色變皮膚涼六脉沉細而微此脉症俱寒乃附骨疽也開發已遲以燔針啟之膿清稀解次日肘下再開之加呃逆不絕與丁香柿蒂散兩服稍緩次日呃逆尤甚自利臍腹冷痛腹滿食減時發昏慣灸左乳下黑盡處二七壯又處托裡溫中湯一兩半與服或曰諸痛瘡瘍皆屬心火又時當盛暑而用薑附可乎予曰經云脉細皮寒瀉利前後飲食不入是為五虛况呃逆胃中虛寒此症內外相反須當舍時從症遂投之諸症悉去飲食倍進瘡勢溫膿色正復用五香湯數服月餘而愈

機按此症多屬虛寒此方專用辛熱以治之其寒不用參朮以補其虛蓋因呃逆腹滿乃氣鬱壅也想必其人年雖老脉症雖虛而形體頗實非陰

虛呃逆者比

一揮使臂腫一塊不痛不赤脉弱懶食時嘔以六君子^二加藿香酒炒芍藥嘔

止食進再以八珍湯^四

二十餘劑膿成刺之又以十全大補而愈次年傷寒

後臂復腫微痛乃傷寒餘毒也然無表症但虛弱耳先用十宣散^四劑取參

耆芍歸扶助元氣防風桔梗白芷厚朴行散腫結肉桂引經破血腫退三四

再用八珍湯膿潰而愈至冬臂復作痛因服祛風藥反筋攣痛甚此血虛不

能養筋筋虛不能束骨用加味十全大補湯^二百貼而愈

一女臂患腫潰久不斂寒熱交作五心煩熱飲食少思月水不通以逍遙散月

餘少可更服八珍湯^四

加牡丹皮香附又月餘經通再加黃耆白斂兩月餘

而愈

此憑症也

一人臂腫患毒作痛服寒涼藥食少大便不實予用理中丸二服更以六君子

加砂仁藿香再以托裡膿潰而愈

此因治不應而變方也

凡瘡痛甚者若稟厚有火宜苦寒藥若稟薄者宜補中益氣湯如芩連之類

在下加黃柏人肥加荊防獨羗之類取其風能勝濕也

一婦左臂胆經部分結腫一塊年餘不潰堅硬不痛肉食不變脉弱少食經水過期日晡發熱遇勞或怒則痛此不足症也與參耆歸朮芍藥貝母遠志香附桔梗牡丹皮甘草百餘貼而消

此因症脉也

大抵婦病多起于鬱鬱則氣血受傷百病生矣

一人臂患漏口乾發熱喜膿不清稀脉來遲緩灸以豆豉餅服八珍湯

十加麥

門五味軟柴胡地骨皮三月餘而愈後因房勞復潰膿清脉大辭不治果歿河間曰因病致虛為輕蓋病勢尚淺元氣未虛也若病初愈或飲食勞倦房勞加至羸損則因虛致損則為重病勢已過元氣已索故也

一兒臂患痘毒作炒按之復起此膿脹痛也刺之以托裡而愈

一婦臂結一塊已潰不斂灸以豆豉餅更服托裡藥而愈

一人年踰三十素怯弱不能食冷臂患一毒脉虛弱予以托裡藥而消但飲食少思或作脹或吞酸日漸羸瘦參苓等藥不應右尺脉弱此命門火衰不能生土遂以八味丸補土之原飲食漸進而愈

此憑脉症也

一媼左臂結核年餘方潰膿清不斂以十全大補湯三外用附子餅灸及貼補

藥膏調護得宜百貼而愈此憑症也

一人多慮神勞年近五十左膊外側紅腫如粟予曰勿輕視得獨參湯數斤乃

佳數貼而止旬餘值大風拔木檐上起一紅線繞背抵右肋與大料人參湯

加芎朮補劑兩月而安
機按此條因形因經而為治也

一婦臂痛筋攣不能屈伸遇寒則劇脉緊細此良甫所謂肝氣虛為風寒流于

血脉經絡搏于筋筋不榮則乾急為痛先用舒筋湯三又用四物湯九加牡

丹皮澤蘭白朮而愈亦有臂痛不能舉或轉左右作痛由中脘伏痰脾氣滯

不行宜茯苓丸三四十或控涎丹治之此因脉處之治

一人手臂結核如粟延至頸項狀似瘰癧此風濕流注用加減小續命湯七及

獨活寄生湯四七更以托裡藥倍加參耆歸朮百貼而愈

機按此條有症無脉認作風濕流注而然當時必有所見也後用補劑百

貼而愈是終不離于虛也

一兒三歲臂患毒瘰痛服解毒丸搽神功散六而消此條症脉不詳當時必有所見嘗治臂毒

便閉煩躁服五福化毒丹百九亦効

若膿成急刺用紙撚蘸麻油絛瘡內以膏藥貼之若兒安靜不必服藥候有膿取去仍用絛貼

一人肩患疽脉數飲槐花酒一服勢頓退再與金銀花黃耆甘草十餘服而平

此憑脉也

槐花治濕熱之功最為神速胃寒不宜過劑

尹老家貧形志皆苦自幼頽疝孟冬于手陽明大腸經分出癰第四日稠膿臂外皆腫痛在手陽明左右經中其脉俱弦按之洪緩有力此得自八風之變以脉斷之邪氣在表飲食如常大小便如故腹中和口知味知不在裡也不惡風寒只熱躁脉不浮知不在表也表裡既和邪在經脉之中故曰凝于血脉為癰是也癰出身半已上故風從上受因知為八風之變而瘡只在經脉之中法當却寒調和經脉中血氣使多凝滯可愈矣宜用以白芷升麻湯百九

九

機按此方舉一身而言故陽明為一身之中若以各經言之而陽明亦自有

表裡中三等之劑太陽亦有表裡之中之方餘經皆可以類推也

一人年踰三十臂患癰潰而不痛膿稀脉弱丹溪曰疽潰深而不痛者胃氣大虛不知痛也東垣曰膿水清稀瘡口不合氣血俱虛也理宜大補彼不聽服消毒藥氣血愈虛遂不救

丹溪曰纔見腫痛參之脉症倘有虛弱便與滋補氣血可保終吉又曰潰瘍內外皆虛補接為主茲則見善不從自用己智寧免死乎

一人年逾四十臂患毒焮痛作嘔服托裡消毒藥愈盛予用涼膈散二劑頓退更以四物湯加芩連四劑而消

機按此則所謂腫瘍熱毒攻心而作嘔也

一人兩臂腫痛服托裡藥日盛予謂腫屬濕痛屬火此濕熱流注經絡也用人參敗毒散加威靈仙酒炒黃芩南星數劑漸愈更以四物湯九加蒼朮黃柏桔梗二十餘劑而消 按此托裡藥日盛故改作濕熱治也

一尚書左臂肘患一紫泡根畔腫赤大腸脉乳予謂乳主失血或積血公曰血痢未瘳以芍藥湯九二劑更以人參敗毒散六二劑瘡痢並愈

機按用芍藥湯以治血痢用敗毒散以治紫泡但所錄脉症未甚詳悉觀其所治多屬血熱而近實也

背疽百十六

焮痛或不痛及麻木者邪氣盛也隔蒜灸之痛者灸至不痛不痛者灸至痛毒隨火而散再不痛者須明灸不隔蒜灸之或用黃連解毒散之類

右關脉弱而肌肉遲生者宜健脾胃

頭痛拘急乃表症先服人參敗毒散一二劑如焮痛用金銀花散或槐花酒神

効托裡散

焮痛腫硬脉實者以清涼飲仙方活命飲苦參丸

腫硬木悶疼痛發熱煩燥飲冷便秘脉沉實者內疎黃連湯或清涼飲大便已利欲得作膿用仙方活命飲托裡散蠟礬丸外用神異膏

飲食少思或不甘美用六君子湯加藿香連進三五劑更用雄黃解毒散洗患處每日用烏金膏塗瘡口處候有瘡口即用紙作捻蘸烏金膏絰入瘡內若有膿為脂膜間隔不出而作脹痛者宜用針引之腐肉堵塞者去之若瘀肉



腐動用猪蹄湯洗如膿稠或痛飲食如常瘀肉自腐用消毒與托裡藥相兼服之仍用前二膏塗貼若腐肉已離好肉宜速去之如膿不稠不稀微有疼痛飲食不甘瘀肉腐遲更用桑柴灸之亦用托裡藥若瘀肉不腐或膿清稀不炊痛者急服大補之劑亦用桑柴灸之以補接陽氣解散鬱毒大抵氣血壯實或毒輕少者可以藥力或自腐潰怯弱之人熱毒中膈內外不通不行針灸藥無全功然此症若膿已成宜急開之否則重者潰通臟腑腐爛筋骨輕者延潰良肉難于收功因而不斂者多矣

一人患此痛甚服消毒藥愈熾予為隔蒜灸之而止與仙方活命飲二劑頓退以托裏藥潰而愈

此憑症也

一婦發熱煩躁飲冷與黃連解毒湯四劑少愈更與托裡消毒散始潰與托裡藥而斂

此憑症也

一人已愈惟一眼番出努肉如菌三月不愈乃傷風寒也以生猪油調藜蘆末塗之即愈亦有努出三寸許者烏梅塗之亦効但緩硫黃亦可

此憑症也

一人年踰五十患已五日炊腫大痛赤暈尺餘重如負石勢熾當峻攻察其脉

又不宜遂先砭赤處出黑血碗許腫痛背重皆去更敷神効散又服仙方活命飲二劑瘡口及砭處出黑水而消

此憑症也

大抵瘡毒勢甚若用攻劑怯弱之人必損元氣因而變症者多矣

一人焮腫作痛脉浮數與內托復煎散二劑少退與仙方活命飲四劑痛止而潰再與托裡藥而愈

此憑脉症也

一人毒勢熾甚痛不可忍諸藥不應以仙方活命飲二劑諸症悉退又二劑而潰

以金銀花散六劑而愈

此憑症也

一人厚味氣鬱形實性重年近六十背疽醫與他藥皆不行惟飲香附末甚快

自腫至潰始終只此一味而安然此等體實而又病實蓋千百而一見也每

思香附經不言補惟不老湯乃言有益于老人用片子姜黃甘草香附三味

以不老為名且引鐵筴先生與劉君為證夫豈無其故哉蓋于行中有補之

理耳天之所以為天健而有常因其不息所以生生無窮正如菟蔚活血行

氣有補陰之妙故名益母胎產所恃者氣血也胎前多滯產後無虛以其行

中有補也夏枯草治瘰癧亦然

此因情性而治

一人感冒後發瘥不醒人事磨死脅肉三寸許一塊此膀胱經必有濕熱其脉果數予謂死肉最毒宜速去之否則延害良肉多致不救取之果不知痛因瘥不止疑為去肉所觸予曰非也由風熱未已彼不聽另用乳沒之劑愈盛復請治予以祛風消毒敷貼飲以祛風涼血化痰降火之劑而愈 按此因脉因症而處治也

一通府發背十餘日勢危脉大先飲槐花酒二服殺其勢退再飲敗毒散二劑更飲托裡藥數劑漸潰又用桑柴燃灸患處每日灸良久仍貼膏藥灸至數次膿潰腐脫以托裡藥加白朮陳皮月餘而愈

按此先發後補當時必有所見也惜乎脉症不甚詳悉

一縣尹發背六七日滿背腫痛勢甚危隔蒜灸百壯飲槐花酒二碗即睡覺用托裡藥消毒十去五六令將桑柴燃灸患處而潰數日而愈

一侍御髀髀患毒痛甚服消毒藥不減飲槐花酒一服勢隨大退再用托裡消毒藥而愈

大抵腫毒非用蒜灸及飲槐花酒先殺其勢雖用托裡諸藥其効未必甚速

按前條有先
瀉後補法

一園丁發背甚危取金銀藤五六兩搗爛入熱酒一鍾絞取汁溫服極覺患處
四五服而平彼用此藥治瘡足以養身成家遂棄園業蓋金銀花治瘡未成
即散已成即潰有回生之功

一婦半月餘尚未發起不作膿痛甚脉弱隔蒜灸二十餘壯而止更服托裡藥
漸潰膿清而瘻肉不腐以大補藥及桑柴灸之漸腐取之而尋愈

此憑脉
症也

一人腐肉漸脫而膿微清飲食多味以十宣散去白芷防風加茯苓白朮陳皮
月餘而斂

此憑
症也

一人將愈但肌肉生遲脾胃俱虛以六君子湯加芎歸五味黃耆治之而愈

此憑
症也

一人已愈惟一口不斂脉浮而濇以十全大補湯治之而愈

此憑
脉也

一老人七十餘背疽徑尺餘雜服五香湯十宣散數十貼膿血腥穢嘔逆不食
旬餘病人自言服十宣散膈中不安且素有淋病三十年今苦淋痛嘔逆及
不得睡而已急煎參耆歸朮膏以牛膝湯入竹瀝調化與之三日盡藥斤半

淋止思食七日盡藥四斤膿自湧出得睡兼旬而安時六七月也

此憑症也

一人年六十餘好酒肉背疽見膿嘔逆發熱得十宣已多醫以嘔逆投嘉禾散加丁香時七月大熱脉洪數有力予曰脉症在潰瘍尤忌然形氣尚可為只與獨參湯加竹瀝盡藥十五六斤竹百餘竿而安予曰此幸耳不薄味必再發後因夏月醉坐池中左脇傍生軟塊如餅二年後潰為疽自見脉症如前仍用參膏竹瀝而安

二人年老血氣弱多以供給膿血胃虛而弱若與十宣寧保多危

機按後條乃膏粱積熱之變宜用寒涼之劑茲用驟補蓋以年老潰瘍故也

一婦發背用托裡消毒藥二十餘劑而潰因怒頓吐血五六椀氣弱脉細此氣血虛極也令服獨參湯斤許少緩更以參耆歸朮陳皮炙甘草三十餘劑瘡口漸合若投犀角地黃湯沉寒之劑鮮不悞矣

此憑脉症也

一婦年踰四十發背治以托裡藥而潰或嘔而瘡痛胃脉弦緊彼為餘毒內攻東垣云吐嘔多時手足逆冷臟腑虛也丹溪曰潰後發嘔不食者濕氣侵內

也又云膿出反痛虛也今胃脉弦緊木乘土位其虛明矣用六君子二加酒

炒芍藥砂仁藿香彼自服護心散嘔愈盛復邀治仍用前藥更以補氣血藥

兩月而愈此憑脉症也

大抵濕氣內侵或感穢氣而作嘔必喜溫而脉弱熱毒內攻而作嘔必喜涼

而脉數必須辨認明白亦有大便不實或腹痛或膨脹或嘔吐或吞酸噯腐

此腸胃虛寒宜理中丸不應加熟附子二三片有侵晨作瀉者名曰腎泄宜

二神丸有食少漸瘦者為脾腎虛尤宜二神丸又治夢遺生肌肉聖藥予嘗

飲食少思吞酸噯腐諸藥不應惟服理中丸及附子理中丸有効蓋此皆因

中氣虛寒不能運化鬱滯所致故用溫補之劑中氣溫和自無此症

一人渴後發背未潰脉數無力此脉虛火動咬咀加減八味丸二劑稍緩次用

丸藥而愈此憑脉症也

一人年踰五十發背生肌太早背竟腐潰更泄瀉脉微緩用二神丸先止其瀉

次用大補藥以猪蹄湯洗淨用黃耆末填滿患處貼以膏藥喜其初起時多

用蒜灸故毒不內攻兩月而愈此憑脉症也

婦因子遲服神仙聚寶丹背生癰甚危脉散大而瀉急以加減四物湯百餘貼補其脉血幸質厚易於收救

機按此條因服食因脉而處治也

一人背瘡如碗大潰見五臟僅隔膜耳自謂必死精要取大鯽魚一枚去腸臟以羯羊糞填實焙令焦黑極燥為末乾摻之瘡口遂合累用有效頑膿少欲生肌時用之 機按此二味有補土功土主肌肉故用生肌

一人背疽徑尺穴深而黑家貧得此急作參考歸朮膏與之三日以艾芎湯洗之氣息奄奄然可飲食每日作多肉餛飩大碗與之盡藥膏五斤餛飩三十碗瘡漸合肉與餛飩補氣有益者也

機按此條因飢寒多虛故用此補法也

一老婦患此初生三頭皆如栗腫硬木悶煩燥至六日其頭甚多脉大按之沉細為隔蒜灸及托裡漸起發尚不潰又數劑內外雖腐惟筋所隔膿不得出脹痛不安予謂須開之彼不從後雖自穿毒已攻深矣亦歿

一婦素弱未成膿大痛發熱予欲隔蒜灸以拔其毒令自消不從而歿

大抵發背之患其名雖多惟陴陴二症為要若發一頭或二頭其形赤嫩腫高頭起疼痛發熱為癰屬陽易治 若初起一頭如黍不腫不赤悶痛煩躁大渴便秘睡語咬牙四五日間其頭計數十其瘡口各含如一粟形似蓮蓬故云蓮蓬發積日不潰按之流血至八九日或數日其頭成片所含之物傷出通結一衣揭去又結其口共爛為一瘡其膿內攻色紫黯為疽屬陰難治脉洪滑者尚可沉細尤難如此惡症惟隔蒜灸及塗烏金膏有效 凡背近脊并髀皮裡有筋一層患此症者外皮雖破難潰以致內膿不出令人脹痛苦楚氣血轉虛變症百出若待自潰多致不救必須開之兼以托裡常治此症以利刀剪之尚不能去以此堅物待其自潰不亦反傷非氣血壯實者未見其能自潰也

一弱婦外皮雖腐內膿不潰脹痛煩熱不安予謂宜急開之膿一出毒即解痛即止諸症自退待其自潰不惟疼痛潰爛愈深彼不從待將旬日膿尚未出人己痛疲矣須針之終不能自斂竟至不起

一人潰而瘀肉不腐予欲取之更以峻補不從而沒

婦發背待其自破毒氣內攻而沒開遲故也東垣云過時不烙反攻于內內既消敗不死何待

一指揮年踰五十發背形症俱虛用托裡藥而潰但腐肉當去彼懼不及延至旬日則好肉皆敗矣雖投大劑毒甚不救 古人謂壞肉惡如狼虎毒如蜂螫緩去則戕惟命信哉

一人年踰四十發背心脉洪數勢危劇經曰痛養瘡瘍皆屬心火心脉洪數乃心火熾甚心主血心氣滯則血不流故生癰也騎竹馬灸 其穴是心脉所遊之地急用隔蒜灸以瀉心火拔其毒再用托裡消毒而愈 此憑脉也

一人發背十八日瘡頭如粟內如錐痛極時有悶瞢不思飲食氣則愈虛以大艾隔蒜灸十餘壯不知熱內痛不減遂明灸二十餘壯內痛悉去毒氣大發飲食漸進更用大補湯及桑柴燃灸瘡肉漸潰 此憑症也

一人發背瘡頭甚多腫硬色紫不甚痛不腐潰以艾鋪患處灸之更用大補藥數日死肉脫去而愈 此因症處治也

一人發背焮痛如灼隔蒜灸三十餘壯腫痛悉退更用托裡消毒藥而愈 此憑症也